

Zeitschrift: Schwyzerlüt : Zyschrif für üsi schwyzerische Mundarte

Band: 5 (1942-1943)

Heft: 1-3

Artikel: Appezeller Witz : us em "Häädler-Kalender", Verlag R. Weber, Hääde

Autor: [s.n.]

DOI: <https://doi.org/10.5169/seals-179602>

Nutzungsbedingungen

Die ETH-Bibliothek ist die Anbieterin der digitalisierten Zeitschriften. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Siehe Rechtliche Hinweise.

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. Voir Informations légales.

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. See Legal notice.

Download PDF: 01.04.2025

ETH-Bibliothek Zürich, E-Periodica, <https://www.e-periodica.ch>

Appenzeller Wit.

Us em „Häädler-Kalender“, Verlag R. Weber, Hääde.

De gyzig Tobler hät emool e ganz e billegi Pansion gfonde zum Ferie mache. Es ischt au derno gsee, aber wil s' eso billi gsee ischt, hät er nüd gwoogt z'reklamiere. Amene Morge, wo d'Pensionsmuetter em de Kafi anestellt ond so säät si zo-n-em: „Es sieht hüt wieder wie noch Rege-n-uus.“ De Tobler lopft de Teckl vom Kafikäantli ond säät: „Joo, die Brüeh ischt wörkli erber dönn, aber si schmeckt glych no e chly vo Kafi.“

„Vatter, hät de lieb Gott enard au e Frau?“ — Vatter: „Frog doch nüd eso domm — denn wär er doch nüd allmächtig!“

Kasper: „Alls schloot hüt ab, aber Du verlangst all no glych vil för eso e Lompesoppe (Käs-Salat) I wett no gär nütz sage, wenn d'Portiooo dernoo wär . . . aber kum hät me aagfange esse, ischt nütz meh offem Täller.“ — Wert: „Bis Du denn sáb no ufhäscht, wo Der am Kifl (Kinn) hanget, werst D' wohl gnuueg überchoo!“

De Fux hät wieder emool e Henne vewütscht. Das paßt de Muetter, zom de Goofe di böse Folge vom „Nüdfolge“ vor Auge z'föhre: „Gsiehnder, Chender, wie's äm cha goh, wem-me nüd folget. Wär etz d'Henne brav gsee ond nüd onderem Hag dore ond fuertglosse, so hett si de Fux nüd gfresse!“ — Chuered: „Gäll Muetter, wenn s' brav gsee wär, hettet mi e r si ggesse!“

De Chuered ischt met em Großvatter im Museum z'Hääde gsee. Zersch-tepotz wo me-n-ue chonnt, stuunet er näbis aa, wo-n-er äbe nüd gwößt hät, wa-s-ischt. De Großvatter hät em denn gsäät, das sei e Skelett ond eso säch de Mensch denn äbe-n-us, wenn er fieri gstorbe sei. — Großes Stuune bim Chueredli . . . „Jää, Großvatter, denn chonnt enard gad de Speck inn Himmel? ?“

„Das ischt etz doch näbis Aardlis, eso om de zwanzigst omme im Monet goht mer allewile 's Gäld uus. Wie täälist Du das Züüg enard ane?“ — Chuered: „I tääle halt myni Uslage i Prozent y: 40 Prozent för Chost ond Loschy, 20 Prozent för 's Hääf, 30 Prozent för 's Trinke, 20 Prozent för 's Bäckle ond 20 Prozent för-e Kino!“ — „Das geet aber meh as hondert Prozent!“ — Chuered: „Jo, da ischt äbe de Tüüfl.“

Jo jo, Hildeli, zo myne Zyte sönd denn die junge Määtle no über ond über rot worde.“ — „Jää, Onkel, wa häscht-ene denn all Wüeschts vezellt?“

Der Eugster ischt mit sim Fuehrwerchli ase langsame Zügs im-e schmale Ströößli zmitts-inne gfahre. Henne dry chonnt de Toktr Altherr mit eme Scheesli ond wär gern vorgfahre, aber es ischt nüd ggange wege de tüüfe Gräbe beidsyts vom Ströößli. Doo rüeft de Toktr: „Säle, Eugster, mached emol Platz — i fahre nüd hender-eme Esel!“ — Ond der Eugster sääd: „No vöre, no vöre, mi e r macht das nütz us!“

Chuered: „Es ischt halt glich schöö, sit 's Häädler Bääh'li elekterisch fahrt.“ — Mix: „Chönnt nütz merke, sáb chönnt i.“ — Chuered: „Bist en alte Söderi — d'Wäge sönd scho vill schönnner nnd fahre tüend 's tifiger — so vill as i wäss mit zwänzg Kilemeter uufwärts.“ — Mix: Du wörst no 's Wyß vom Himmel abe lüüge, Du Bralli — wenn 's gad sibe Kilemeter Schine händ!“

Hoptme Arnold: „Wenn-i das gspiüct Mandli aaluege. mueß-i allewile a-n-e Hungersnot denke!“ — Stüpfler Lutz: „Cha's begryfe — ond wenn i Eu omm ond omm aaluege, mierk-i au, wer d'Schold ist a dere Hungersnot!“